

明·吏部考功司撰

吏部考功司題稿
(下)

偉文圖書出版社有限公司印行

覆巡按河南監察御史趙繼本劾官疏

爲遵例舉劾府佐縣正官員以昭勸懲事考功清吏司
案呈奉本部送吏科抄出巡按河南監察御史趙繼本
內開訪得南陽府通判劉邦杰無寸長可取有貪跡可
疑每事必求其賄賂無民不被其索取扶溝縣知縣董漢
儒權歸于左右利入于私囊所至已踰乎分量所行大壞
乎操守商水縣知縣郭杲柔懦無爲求索無厭多支
柴薪銀兩罪坐大戶平民登封縣知縣劉思溫耳重聽
而吏弊日滋肆竊取而物議沸騰沔池縣知縣安璋任意
姦貪略無廉恥倉穀止有捌斗紙價盡歸私家庫銀僅

有剝錢贓罰俱爲己用確山縣知縣賀鑑年老才庸性
罷政廢操守屢聞物議吏書縱其害民以上各官皆貪
濫顯著所當罷黜者也長葛縣知縣馬新民性本寬緩
才欠克擴事務日漸廢墜吏胥被其姦欺密縣知縣閻
世祿守似可取志欠明達縱積年之書手而不能革匿上
下之文稿而不能清汜水縣知縣吳大章事頗安靜才亦
尋常縱飲見毀于鄉官審差恣弊于吏書以上各官皆才
識欠振所當改教者也河陰縣知縣湯輔怠緩而近於寬
姑息而失於縱未革因循之弊多收支候之銀昨城縣
知縣李程衰暮之年庸劣之才壹事不能振舉壹民

不聞聽服鎮平縣知縣何繼心多變詐不實事尚虛文
可惡歷任既久無善可稱南陽縣知縣汪文淵風疾舉動
艱難政事昏昧多廢桐柏縣知縣曹侃年力已衰性復
粗鄙卽今尚難于支持日久恐終于誤事商城縣知縣
杜漸日肆怠惰付公務於不聞縱吏要錢置民情於度外
以上各官皆年力衰老所當致仕者也等因奏奉

聖旨該部知道欽此欽遵抄出送司除薦舉官員移付文選清
吏司另行外查得本部見行事例凡官員素行不謹者冠
帶閒住年老有疾者致仕才力不及者調用今該前因通
查案呈到部看得巡按河南監察御史趙繼本劾稱南

陽府通判劉邦杰扶溝縣知縣董漢儒商水縣知縣郭
果登封縣知縣劉思溫汧池縣知縣安漳確山縣知縣賀
鑑長葛縣知縣馬新民密縣知縣閻世祿汜水縣知縣吳
大章河陰縣知縣湯輔胙城縣知縣李程鎮平縣知縣
何繼南陽縣知縣汪文淵桐柏縣知縣曹侃商城縣知縣
杜漸各不職乞要罷黜改調各壹節爲照知縣閻世祿
湯輔各歷任年淺似應姑留以責後效通判劉邦杰知
縣董漢儒郭果劉思溫安漳賀鑑馬新民吳大章李程
何繼汪文淵曹侃杜漸俱與本部查訪相同相應議處合
候命下移咨都察院轉行河南接管巡按御史行令

膺世祿湯輔策勵供職通判劉邦杰知縣董漢儒郭杲
安璋各照素行不謹事例冠帶閑住劉思溫賀鑑李程
何繼曹侃各照老疾事例致仕馬新民吳大章汪文淵杜
漸各照才力不及事例起送赴部聽調簡僻地方任事各
員缺另行銓補緣係遵例舉劾府佐縣正官員以昭勸懲
及奉

聖旨該部知道事理未敢擅便謹題請

旨

嘉靖貳拾貳年正月貳拾捌日具題貳月初壹日奉

聖旨是

覆巡按直隸等處監察御史郭廷冕劾官疏

爲遵例舉劾府佐縣正官員以昭勸懲事考功清吏司案呈奉本部送吏科抄出巡按直隸等處監察御史郭廷冕題內開訪得濟南府齊東縣知縣徐湧才頗通敏性多偏駁逞私忿而毒刑無辜多貪慾而昵比匪人獲賊妄攀因取平民之財問刑故勘致殺數人之命長山縣知縣唐廷相濫罰紙價年以千計科索大戶每名貳兩土俗未諳事多廢弛東昌府清平縣知縣肖奇元才庸志惰縱酒荒色任情科歛而民力不堪費用無經而士論罔愜保定府新安縣知縣

劉潤狹詐成陸貪汙有跡兩經論劾未嘗見其改圖
收拾歸計益聞肆其漁獵以上之數臣者皆貪汙不
職所當罷黜者也又訪得順德府邢臺縣知縣王鯤
性簡而溫心實而確左右吏胥之人得以長姦政事
緩急之施每至淹滯真定府高邑縣知縣易萬象取
利歸於己令不行於人數政寬緩恐非刁蔽之宜任
焉靈壽縣知縣藥种霄崇飲而怠政貪得而蠹民但
乘刁蔽之邑難收振作之功東昌府館陶縣知縣戚
濟性本迂疎才復遲緩政體未諳廢墜難釐以上之
數臣者皆才力不及所當調簡者也又訪得兗州府

鄆城縣知縣陳宗識見欠明事體未練曾經論劾氣
餒難振鄒縣知縣張鵬年力衰老性資庸劣兩被論
劾姑留愈肆保定府完縣知縣劉木目眇而吏不畏
才小而事日廢以上之數臣者皆才力庸弱所當改
教者也等因奏奉

聖旨吏部知道欽此欽遵抄出送司除將薦舉官員移付
文選清吏司另行外查得本部見行事例凡官員素
行不謹者冠帶閑住年老者致仕才力不及者調用
今該前因通查案呈到部看得直隸等處御史郭廷
冕劾稱齊東縣知縣徐湧長山縣唐廷相清平縣蕭

奇元新安縣知縣劉潤邢臺縣知縣王鯤高邑縣知
縣易萬象靈壽縣知縣藥朮宵館陶縣知縣戚濟鄆
城縣知縣陳淙鄒縣知縣張鵬完縣知縣劉木各不
職乞要罷黜改調各一節爲照知縣王鯤戚濟劉木
各任年淺劉潤先該巡撫劉隅論劾本部覆題才力
不及調任未及半年俱應姑留以責後效徐湧唐廷
相蕭奇元易萬象藥朮宵陳淙張鵬俱與本部查訪
相同相應議處合候

命下移咨都察院轉行直隸山東各該巡按御史行令知
縣王鯤戚濟劉木劉潤策勵供職蕭奇元照素行不

謹事例冠帶閑住易萬象照年老事例致仕徐湧唐
廷相樂紳宵陳淙張鵬各照才力不及事例起送赴
部聽調簡假地方任事各員缺另行銓補緣係遵例
舉劾府佐縣正官員以昭勸懲及奉

聖旨吏部知道未敢擅便謹題請

旨

嘉靖貳拾貳年正月二十八日二月初百奉

聖旨是

覆巡按直隸監察御史郭廷冕劾官疏

爲公舉劾方面官員以明勸懲事考功清吏司案呈
奉本部送吏科抄出巡按直隸等處監察御史郭廷
冕題內開訪得原任青州兵備道僉事今陞廣東布
政司左叅議沈澧肆志貪墨不矜行檢欲臨朐王朝
言之古器則誣罪求得而復受其金益都縣喬茂賄
銀叁百兩被人誑詐未送而竟填諸獄百計營求事
難彙舉竇乖憲度而貽害地方卽當罷黜以清仕路
者也布政司右叅議張鵬翰節操未渝年力近衰步
履艱難視聽遲緩而政事幹濟實難責其有爲宜放

歸致仕以全名節者也等因奏奉

聖旨吏部知道欽此又該本官題爲舉劾伍品以上官員以備黜陟事內開訪得山東萊州府同知曾光才亦有爲四志貪取指巡歷而巧索郡邑承批問而倍取紙價縱羣下和買於市而民苦無貿易之所是有玷清議不可一日留者所當罷黜者也濟南府德州知州陳藥才本迂緩郡當刁蔽每受制於群小難責望於專城此才不足以勝任所當更調者也山東都轉運鹽使司同知王景明年近衰而事多廢身多病而力難支自尊宦情屢告求退當今致仕以全名節者

也等因奏奉

聖旨吏部知道欽此欽遵抄出送司除將薦舉官員移付
文選清吏司另行外查得本部見行事例老疾者致
仕才力不及者調用今該前因通查案呈到部看得
巡按直隸等處監察御史郭廷冕劾稱山東僉事今
陞廣東左叅議沈澧山東右叅議張鵬翰萊州府同
知曾光德州知州陳藥山東運司同知王景明各不
職乞要罷黜改調各一節爲照山東僉事今陞廣東
左叅議沈澧山東右叅議張鵬翰查得節年撫按李
中周鈇舒汀李復初陶欽夔陳蕙考語俱有清白勤